



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-663/03-1

Sarajevo, 16.5.2003. godine

Z A P I S N I K

nastavka 5. sjednice Komisije za ljudska prava, imigraciju, izbjeglice i azil
(u daljem tekstu: Komisija), održanog 15.05.2003. godine, s početkom u 13,00 sati

Komisija je zasjedala u proširenom sastavu sa članovima Odbora za povratak izbjeglih i raseljenih lica Doma naroda Parlamenta Federacije BiH, Odbora za povratak izbjeglih i raseljenih lica Predstavničkog doma Parlamenta Federacije BiH i Odbora za zaštitu prava izbjeglica i raseljenih lica Narodne Skupštine Republike Srpske.

Nastavku sjednice Komisije prisustvovali su:

- Elmir Jahić, predsjedavajući Komisije,
- Nadžida Mlaćo, član Komisije,
- Miloš Jovanović, član Komisije,
- Ruža Sopta, član Komisije,
- Selim Bešlagić, član Komisije,
- Muhamed Altić, član Komisije.

Odsustvovali su: Martin Raguž, prvi zamjenik predsjedavajućeg, Tihomir Gligorić, drugi zamjenik predsjedavajućeg Komisije, i Munib Jusufović, član Komisije.

Sjednici je prisustvovao, u ulozi uvodničara, ministar za ljudska prava i izbjeglice Bosne i Hercegovine Mirsad Kebo.

Sjednici su prisustvovali pojedini članovi Odbora za povratak izbjeglih i raseljenih lica Doma naroda Parlamenta Federacije BiH (Mustafa Imširović i Pero Jukić), Odbora za povratak izbjeglih i raseljenih lica Predstavničkog doma Parlamenta Federacije BiH (Omer Hujdur, Kemal Čehbić i Avdo Hebib) i Odbora za zaštitu prava izbjeglica i raseljenih lica Narodne Skupštine Republike Srpske (Dževad Gušić i Muharem Murselović), kao i predstavnici Ministarstva za ljudska prava i izbjeglice Bosne i Hercegovine (Dragomir Kovač, sekretar) i poslanici: Amira Džajić, Slavica Josipović, Željko Raguž, Damir Mašić i Nedžad Bublin u Parlamentu Federacije BiH, kao i Milovan Borojević i Lazar Prodanović, poslanici u NSRS.

Za proširenu sjednicu usvojen je sljedeći

D n e v n i r e d

01. Utvrđivanje oblika buduće saradnje za realizaciju strategije BiH u implementaciji Aneksa VII Dejtonskog sporazuma

U uvodnom izlaganju predsjedavajući Komisije Elmir Jahić ukazao je na značaj Aneksa VII Dejtonskog sporazuma, kao i njegove implementacije. On je istaknuo okolnost da je Komisija primila Inicijativu predsjednika Odbora za zaštitu prava izbjeglica i raseljenih lica Narodne skupštine Republike Srpske 25.3.2003. godine, kao akt broj 02/11-356/03, te podržala inicijativu na svojoj 4. sjednici. Inicijativnom se predlaže Komisiji da organizira sjednicu proširenu sa članovima Odbora kao i Odbora iz Parlamenta Federacije BiH, jer je Dom naroda Parlamenta Federacije BiH, aktom 02/14-02-236/03 od 28.3.2003.godine, prihvatio inicijativu Odbora iz NSRS. Članovi Komisije prihvatili su inicijativu i smatraju korisnim da proanaliziraju Strategiju i podrže Aneks VII Dejtonskog mirovnog sporazuma.

Nakon uvodnog izlaganja predsjedavajućeg Komisije uslijedio je osvrt na Strategiju BiH za provođenje Aneksa VII Dejtonskog mirovnog sporazuma (u daljem tekstu: Strategija) ministra za ljudska prava i izbjeglice BiH. U uvodu, ministar je predstavio prisutnima proces povratka izbjeglih i raseljenih lica u BiH sa svim relevantnim pokazateljima. Ujedno je ukazao na potrebu stvaranja održivog povratka svakog izbjeglice i raseljenog lica, kao i uslove da bi se on mogao ostvariti. Strategija predstavlja putokaz kojim se treba rukovoditi u daljoj aktivnosti na povratku izbjeglih i raseljenih lica.

Nakon uvodnog izlaganja ministra Mirsada Kebe, uslijedila je duga i temeljita rasprava u kojoj su učestvovali: Dževad Gušić, Slavica Josipović, Mustafa Imširović, Avdo Hebib, Muharem Muselović, Omer Hujdur, Lazar Prodanović, Željko Raguž, kao i članovi Komisije i drugi prisutni.

Nakon rasprave, ministar je u završnoj riječi naglasio značaj prihvatanja Strategije. On je ukazao na određene nedorečenosti u njoj i potrebu da se u određenim segmentima dopuni, ali je izrazio zadovoljstvo raspravom i podrškom prisutnih.

Predsjedavajući Komisije Jahić je, na osnovu uvodnog govora i široke i dugotrajne rasprave, formulisao određene zaključke, koje su prisutni jednoglasno podržali. To su sljedeći zaključci:

1. Pozdravljamo nastojanja da se na sistematski i sveobuhvatan način nastavi implementacija Aneksa VII Dejtonskog sporazuma, donošenjem Strategije Bosne i Hercegovine za provođenje Aneksa VII Dejtonskog mirovnog sporazuma, a posebno u smislu prijenosa ovlaštenja i zadataka na domaće institucije.
2. Strategija BiH za provođenje Aneksa VII dobra je polazna osnova za implementaciju i rješavanje Aneksa VII, koju bi, nakon rasprave pred Parlamentarnom skupštinom BiH, trebalo dopuniti. Zato je potrebno i traži se da se Strategija razmatra na sjednicama Vijeća ministara BiH i entitetskih parlamenata kao i domova Parlamentarne skupštine BiH, radi neophodnih korekcija kako bi se došlo do prihvatljivog i efikasnog rješenja.
3. Najhitnije provesti strukturalne i organizacione reforme, posebno kroz formiranje Fonda za povratak, kao i osposobiti i staviti u funkciju jedinstvenu bazu podataka.
4. Izražavamo zabrinutost zbog sporosti u provođenju Aneksa VII te tražimo da do uspostavljanja nove organizacione strukture u punom kapacitetu

funkcionira dosadašnji način implementacije Aneksa VII Dejtonskog mirovnog sporazuma.

5. Provođenje Aneksa VII jedno je od najvažnijih političkih, socijalnih, pravnih, ekonomskih i nacionalnih pitanja u BiH, pa se zato traži puni angažman svih struktura vlasti. Stoga treba omogućiti svim nivoima vlasti, u okviru svojih mogućnosti, da mogu pomoći implementaciju Aneksa VII na cijelom području BiH.
6. Upozoravamo da se provođenje Aneksa VII ne može poistovjećivati samo sa implementacijom imovinskih zakona. Aneks VII, osim provođenja imovinskih zakona, podrazumijeva obnavljanje porušenih i devastiranih stambenih objekata, izgradnju infrastrukture, zapošljavanje povratnika, rješavanje zdravstvene zaštite i obrazovanje povratnika, kao i stvaranje opće sigurnosti. Tek rješavanjem ovih problema može se smatrati da je Aneks VII. dosljedno i u svim oblastima proveden.
7. Preporučuje se Vijeću ministara BiH da razmotri mogućnost pronalaska dodatnih donatorskih sredstava ili zaduženja BiH, po ovom osnovu dobijanje povoljnih dugoročnih kredita od Razvojne banke Vijeća Evrope kao i preraspodjelu sredstava u budžetu zajedničkih institucija BiH i dodatnih izvora finansiranja.
8. U Strategiji nisu istaknuti problemi povratnika i povrata imovine izbjeglica iz Hrvatske koji danas žive u BiH, pa je potrebno da se na državnom nivou pokrene rješavanje ovih pitanja sa Republikom Hrvatskom.
9. Najhitnije ispoštovati rokove za donošenje zakona ili usaglašavanje podzakonskih akata iz oblasti školstva, zdravstva, penzijsko-invalidskog osiguranja, primjene imovinskih propisa, te dosljedno provođenje Odluke Ustavnog suda BiH o konstitutivnosti i ravnopravnosti naroda u BiH, odnosno implementacije amandmana na ustave entiteta.
10. Posebno omogućiti zapošljavanje povratnika-intelektualaca na lokalnom nivou, uz odgovarajuće stimulativne i druge mjere koje omogućavaju i olakšavaju njihov povratak.
11. Pokrenuti medijsko-propagandne aktivnosti s ciljem pozitivne afirmacije implementacije Aneksa VII Dejtonskog mirovnog sporazuma.

Sjednica je završena u 13,20 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Elmir Jahić



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-663/03-1

Sarajevo, 16.5.2003. godine

PARLAMENTARNOJ SKUPŠTINI BIH
PREDSTAVNIČKOM DOMU
DOMU NARODA
N/r predsjedavajućih domova

MINISTARSTVU ZA LJUDSKA PRAVA I IZBJEGLICE
BOSNE I HERCEGOVINE
N/r ministra

ODBORU ZA ZAŠTITU PRAVA IZBJEGLICA I RASELJENIH LICA
NARODNE SKUPŠTINE REPUBLIKE SRPSKE
N/r predsjednika

ODBORU ZA POVRATAK IZBJEGLIH I RASELJENIH LICA
DOMA NARODA I PREDSTAVNIČKOG DOMA
PARLAMENTA FEDERACIJE BIH
N/r predsjednika

**Predmet: Dostava zapisnika sa nastavka 5. sjednice Komisije za ljudska prava,
imigraciju, izbjeglice i azil Predstavničkog doma Parlamentarne
skupštine BiH**

Komisija za ljudska prava, imigraciju izbjeglice i azil Predstavničkog doma Parlamentarne skupštine Bosne i Hercegovine je na nastavku proširene 5. sjednice Komisije, održanom 15.5.2003. godine, raspravljala o aktu Ministarstva za ljudska prava i izbjeglice BiH “ *Strategija Bosne i Hercegovine za provođenje Aneksa VII Dejtonskog mirovnog sporazuma*”, a zapisnik sjednice dostavlja Vam se u prilogu.

Zapisnik sjednice dostavlja Vam se na znanje i na dalje postupanje.

S poštovanjem

predsjedavajući Komisije

Elmir Jahić

Prilog: Zapisnik nastavka 5. sjednice Komisije za ljudska prava, imigraciju, izbjeglice
i azil Predstavničkog doma Parlamentarne skupštine BiH